

Miercus 21
S. Luís Gonzaga

Joibe 22
S. Paulin di Nole

Vinars 23
Sacri Cûr di Jesù

Sabide 24
Nativitât di S. Zuan Batista

Domenie 25
S. Vielm abât

Lunis 26
S. Vigjili vescul

Martars 27
S. Ridolf v.

Il timp
Ancjemò scjafoiaç

Il proverbi
Cui che nol sa vivi,
nol sa murî

Lis voris dal mès
Cimait dispès cisis e rosârs



Il soreli
Ai 21 al jeve aes 5.14
e al va a mont aes 21.03



La lune
Ai 24 lune gnove

lis GNOVIS

SANT ZORÇ DI NOIÀR L'Incerto al siere «Scree/tòrs»

Joibe ai 22 di Jugn, aes 6 sore sere, li de biblioteche Vile Dora di Sant Zorç di Noiâr al va in sene l'ultin apontament de rassegne leterarie in marilenghe «Scree/tòrs», inmaneade dal sportel pe lenghe furlane, adun cu la biblioteche civiche. Pe ocasion, il zardin di Vile Dora (sale conferencis tal cās di ploie) al fasarà di senografie al incuintri-spetacul cul Teatro Incerto, ven a stâi Fabiano Fantini, Claudio Moretti e Elivo Scruzzi, che di plui di trente agns a puartin ator pal Friûl i lôr spetacul in marilenghe, fasint sbregâ di ridi i spetatôrs di ogni etât. Dulinvie de serade di presentazion dal libri «L'Incerto. Un gruppo teatrale friulano», burit fûr di Bottega Errante Edizioni, i trê atôrs di Grediscje di Sedian a contaran la storie de lôr cariere teatrâl, dant vôs ancje aes baronadis e aes disaventuris fûr di sene. Il dut cun comicitât e cun chê ande ironiche, lizere e sclete che ju àn fats diventâ un dai grups plui amâts e innomenâts dal teatri furlan. La jentrade e je sore nuie. Ae fin de serade, ghiringhel par sierâ in compagne.

JULIETE E ROMEU FURLANS Al è muart Cecil Clough

Al è muart Cecil Clough, il storic inglès studiôs dal rinassiment venit che al veve scuvier la veretât storiche di Juliete e Romeu, ven a stâi la origine furlane dal mît (po sostignude di documents e dal parê di autorevui studiôs locâi): la storie dai cusins Luigi da Porto e Lucina Savorgnan, che si è ispirât Shakespeare pe sô innomenade tragjedie.

Ai 6 di Lui al torne a tacâ il Teatru dai fruts, tignût di Paolo Bortolussi e promovût de Pro loco di Romans di Vil di Var «Lis aghis»

Il furlan si impare a teatri

Tal cors i fruts a cjatin gnûfs stimui par stâ insieme e scuvierzi lis lôr lidris

UNE SCUELE DI UMANITÂT, che e permet di esprimi lis propriis emozions, intun percors di scuvierze di se stes e dal rapuart cun chei altris. Che e insegne la empatie, la comprension, no dome a acetâ lis diversitâts, ma ancje a valorizâlis. Il teatri al è chest, e tant altri. «Al jude a vierzi la anime», al dis **Paolo Bortolussi**, che si prepare a inviâ la diesimietrice edizion dal Teatru dai fruts, une esperience straordinarie, che e clame dongje cetancj fruts di Vil di Var e dal dulintor, di Codroip a Cjatin, a Rivignan, che, dôs seris par setemane, par dut l'istât, si cjatin tal vecjo asil di Romans di Vil di Var par condividi un toc di vite.

E intun moment sociâl caraterizât dal abûs de tecnologie mediatiche – de television ai telefonins, a internet – e de crisi dai valôrs familiârs, il teatri al jude i fruts «a sbrocâsi fûr, al favoris i leams, al da une grande man a cui che al è timit – al conte il mestri Bortolussi, su la

fonde de sô lungje esperience –; al varès di jessi obligatori te scuele, li che no si insegne nancje plui a imparâ une poesie a memorie, ma chesçj fruts no puedin vivi dome di computer!». Ve alore che tal Teatru di Romans a cjatin gnûfs stimui par stâ insieme (e «dopo si inamorin dal teatri») e par scuvierzi o tornâ a scuvierzi ancje lis lôr lidris, parcè che il Teatru al è fat in lenghe furlane. «I fruts a son contents, tancj a fevelin par talian, ma a àn gust di imparâ il furlan. A un cors resint che o ai fat, ancje lis pediatis presintis mi àn conseât di insisti a fevelâur par furlan». I studis scientifics, di fat, a mostrin che une educazion precoce al plurilinguism e puarte tai piçui vantaçs no dome linguisticis, ma ancje cognitîfs. La ricjece linguistiche dal nestri teritori e da aes fameis dal Friûl la oportunitât di fâ cressi i fis bilengâi o plurilengâi: une ocasion uniche e preziose. E il Teatru si met su chest troi.

Ducj i fruts des scuelis elementârs, de prime ae cuinte, a puedin partecipâ a gratis al cors promovût de Pro loco di Romans di Vil di Var «Lis aghis». Lis lezioni si fasaran aes 9 di sere dal lunis e de joibe, a tacâ dai 6 di Lui (si pues iscrivi ancje ta chê sere) e a finiran ae metât di Setembar cuntun spetacul. I arlêfs



Te foto parsore: i zovins protagoniscj di une edizion dal passât dal Teatru dai fruts.

a lavoraran sul test «La magjie des peraulis» di Franca Mainardis, innomenade scritore furlane, autore di cetantis oparis pai piçui. Ta cheste vore, «par mieç des besteutis dal bosc si marche la impuartance des peraulis, dal cemût e dal parcè che si doprin. I fruts a impararan cussî che la invidie e fâs mâl dome a chel che le prove, che al è simpri miôr domandâ che pretindi, che cuant che si dis la veretât no si à pôre di nuie».

Par vê plui informazions sul cors, si pues clamâ Bortolussi al numar 339.5719699 o scrivii une mail ae direzion paolo.bortolussi8@tin.it o ben a proloco.lisaghis@alice.it

ERIKA ADAMI



Union TELEO



ANCHE QUEST'ANNO
AL TUO
730
CI PENSIAMO NOI!!

Chiamaci e prenota
un appuntamento!

730 • Unico • Ise / Isee • Red • Imu • Contenzioso
Servizi fiscali alle aziende • Successioni • Colf & badanti
Contratti d'affitto • Trasmissioni telematiche

Le nostre sedi

UDINE SEDE - Via C. Percoto, 7
0432/246511 - 0432/246512

UDINE 2 - Via Martignacco, 161 0432/44095
CERVIGNANO - Via Marcuzzi, 13 0431/370167
CIVIDALE - Viale Libertà, 20/3 0432/700686
CODROIPO - Via Monte Nero, 12 0432/905262
LATISANA - Viale Stazione, 10 0431/521596
MARTIGNACCO - Via Libertà, 1 0432/638413

MANZANO - Via Alcide De Gasperi, 28 0432/755466
MORTEGLIANO - Via M. D'Aviano, 16 0432/762265
PALAZZOLO dello STELLA - Via Garibaldi, 6/3 0431/586414
PALMANOVA - Contrada Grimaldi, 1 0432/923767
SAN GIORGIO di NOGARO - Via Canciani, 23 0431/621766
TORVISOVA - Piazza del Popolo, 3/B 0431/92424
TRICESIMO - Via Roma, 220 0432/884019

www.unionteleo.it • info@unionteleo.it